

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XXVIII. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie die Nibelunge ze Ezelen
bryge chomen.

XXVIII. Auentiure.

Do die Nibelunge. chomen indaz lant.
do vrieschez von Berne. meister Gildebrant.
er sagtez sine herren. ez was im grimme leit.
er bat in wol enpfahen. die chonen ritter gemeit.

Do hiez der starche Wolhart. bringen in diu march.
do reit mit Dietriche. vil manic reche starch.
da si se enpfahen wolden. zuo zin an das velt.
da hetens vf gebunden. vil manic herlich geselt.

Do si von Eronege Hagene. verrest chomen sach.
zu den sinen herren. der helt vil balde sprach.
nu solt ir snellen degene. von dem sedele stan.
vnt get in hin bejegene. die ioch hie wellent enpfan.


Dort chumt her ein gesinde. das ist mir wol bechant.
ez sint vil snelle degene. von Amelunge lant.
die foret der von Gerne. si sint vil hochgemvot.
ir soltz in wol erbieten. das rat ich sprach der degen gvot.

Do stonden von den rossen. das was vil michel recht.
nider mit Dietriche. manic ritter vnt knecht.
si giengen zu den gesten. da man die helede vant.
si grozten minnekliche. die von Oreponden lant.

Do si der herre Dietrich. zuo zim chomen sach.
beide liebe vnde leide. im dar an geschach.
er weste wol diu märe. ir reise was im leit.
er wande ez weste Kudeger. das erz het in geselit.

Sit willechomen her Gunther. Gernot vnt Giselher.
Hagen vnt Dancwart. sam si ovch Volker.
vnt allez iwr gedigene. den Sivrides tot.
weinet min frov Chriemhilt. noch diche in angestlicher not.

Si mac vil geweinen. sprach do Hagene.
er lit vor manigem iare. zetode erlagene.
den kunech von den Hunen. den si genomen hat.
den sol si nu minnen. Sivrit so gahes niht erstat.



Tot des chunen rechen. lazen wir nu sten.
sol lebn min frow Chriemhilt. noch mac schade ergen.
so redete von Berne. der herre Dieterich.
trost der Nibelunge. da vor behvet du dich.

Wie sol ich mich behyten. sprach der kunic her.
Ezel vnf boten sande. wof sol ich vragen mer.
daz wir zuo zim chomen. her in siniv lant.
ovch hat vnf vnser swester. aller triwen gemant.

So wil ich iv wol raten. sprach do Hagene.
nu bitet iv diu märe. baz ze sagene.
den herren Dietrichen. vnt sine helde gvot.
daz si ivch lazen wizen. der frowen Chriemhilde mvot.

Do giengen sonder sprachen. di dri kunige rich.
Gunther unde Gernot. vnt ovch her Dietrich.
nu sage vnf von Berne. vil edel ritter gvot.
wie dir si gewizzen. der frowen Chriemhilde mvot.

Do sprach der vogt von Berne. was sol ich iv mere sagen.
wan alle morgen frveie. weinen unt klagen.
höre ich vil iämerliche. daz Ezeln wip.
dem richen got von himele. des starchen Sivrides lip.

Es ist et vnerwendet. sprach do der spileman.
Volker der vil chvone. daz wir vernomen han.
wir soln zehove riten. vnt soln daz beschn.
was vnf snellen degenen. mvge zen Hvnen geschchn.

Die chunin Burgonden. hinze hove riten.
si chomen herrenliche. nach ir landes siten.
do wndert da zen Hvnin. vil manigen chonen man.
vmbe Hagene von Tronege. wie der wäre getan.

Dorch das man saget märe. des was im genvoc.
das er von Niderlanden. Siuriden slooc.
sterchist aller rechen. den Chriemhilde man.
des wart michel vragē. zehove nach Hagenen getan.

Der helt was wol gewahsen. das ist al war.
groz was er zen brosten. gemischet was sin har.
mit einer grisen varwe. div bein im warn lanc.
vnt enstlich sin gesihene. er het herlichen ganc.

Do hiez man herbergen. vil manigen chonen man.
das gesinde von dem Rine. wart gesvndert dan.
das riet div kuniginne. div in argen willen trooch.
da von man sit die knechte. an der herberge slooch.

Danewart Hagenen broder. der was marschalch.
der kumec im sin gesinde. vil vliæklich bevalch.
das er ir vollechliche. mit spise solde pflegen.
das tet do willechliche. mit triwen der vil chvne degen.

Chriemhilt div kuniginne. mit ir gesinde gie.
da si die Nibelunge. in valschem mote enpfie.
si chofte Giselher. vnt nam in bi der hant.
do das gesach Hagene. den helm er vaster gebant.

Nach svs getanem grooze. sprach do Hagene.
mogen sich bedenchen. wol snelle degene.
man grozet sunderlingen. die forsten unt ir man.
wir han niht goter reise. zo dirre hochgecite getan.

Nv sit sprach si willechomen. swer iewch gerne siht.
durch iewer selbes frivntschafft. engroz ich iewch niht.
nv sagt waz ir mir bringet. von Wormez ober Rin.
dar umbe ir mir so groze. soldet willechomen sin.



Het ich gewist diu märe. sprach do Hagene.
daz iu gabe bringen. solden degene.
ich wäre wol so riche. het ich mihs baz verdaht.
daz ich iu mine gabe. her zen Honen hete braht.

No solt ir mich der märe. mere wizen lan.
hort der Nibelunge. wa habt ir den getan.
der was idoch min eigen. daz ist iu wol bechant.
den solt ir mir gefveret han. her in Ezelen lant.

Entriwen min frow Chriemhilt. des ist vil manic tac.
deich hort der Nibelunge. niene gepflach.
den hiezen mine herren. senchen inden Rin.
da mooz er wätliche. vnz an das iungeste sin.

Do sprach diu kuneginne. ich hans ooch e' gedaht.
mir ist sin harte chleine. noch her zelande braht.
swer min eigen wäre. vnt ich sin wilen pflac.
nach im vnt sine herren. han ich vil manigen leiden tac.

Daz ist verlorn arebeit. sprach aber Hagene.
wie mohte ich iu iht bringen. ich han vil zetragene.
an halsperge vnt an schilte. an mine helme licht.
dis swert an miner hende. des enbringe ich iu nicht.

Jane rede ihz niht darvumbe. deich mere goldes welle gern.
ich hanf so vil zegebene. deich iwer gabe mac endern.
ein mort vnt zwene robbe. die mir sint genomen.
des mohte ich vil arme. noch zelibem gelte chomen.

Diu frowe hiez do chunden. den rechen vberal.
daz niemen tragen solde. dehein wafen inden sal.
ir helde ir solt mirs vf geben. ich sol si behalten lan.
entriwen sprach do Hagene. daz wirdet nimmer getan.

Jane ger ich niht der eren. forsten wine milt.
daz ir zen herbergen. troget minen schilt.
vnt ander min gewäfen. ir sit ein kunigin.
daz enlerte mich vater niht. ich wil selbe kameräre sin.

Owe mir der leide. sprach do Chriemhilt.
war umbe wil min broder. vnt Hagen sinen schilt.
von in niht tragen lazen. si sint gewarnot.
vnt wesse ich wer iz täte. ich riet im immer sinen tot.


Des antwort in zorne. der herre Dietrich.
ich bin; der hat gewarnet. die edeln forsten rich.
vnt Hagenen den starchen. den Guregonden man.
no zo valandinne. do solt mihs niht geniezen lan.

Des schamte sich vil fere. daz Ezelen wip.
si vorhte bitterliche. den Dietriches lip.
do gie si von in dannen. daz si niht mere ensprach.
wan daz si swinde bliche. an ir viande sach.

Gihenden sich do viengen. zwene degene.
daz eine was her Dietrich. daz ander Hagene.
do sprach gezogenliche. der reche vil gemeit.
daz iwer chomen zen Honen. daz ist mir grozelichen leit.

Do stonden bi ein ander. die rechen lobelich.
Hagene von Tronege. vnt och her Dietrich.
ingrozen zohnten manigen. die ritter wolgetan.
daz sach der kunec Ezele. dar umbe er vragen do began.

Die märe ich wiste gerne. sprach der kunic rich.
wer iener reche wäre. den dort her Dietrich.
so frivntlich enpfähet. er treit vil hohen mvot.
swer sin vater wäre. er mach wol sin ein helt gvot.



Des antwortem kunige. ein Chriemhilde man.
er ist geborn von Tronege. sin vater hiez Adrian.
swie blider hie gebarte. er ist ein grimmer man.
ich laze ouch daz wol schowen. daz ich gelogen niene han.

Wie sol ich daz erchennen. daz er so grimmech ist.
noch dann er niht enwiste. vil manigen argen list.
den div koniginne. an ir frivnden begie.
daz si ir mit dem lebene. niht einen dannen chomen lie.

Wol erchande ich Adrianen. der was min man.
lob vnt michel ere. er hie bi mir gewan.
ich machet in zeritter. vnt gab im min golt.
Gelche div getriwe. was im inneklichen holt.

Da von ich wol erchenne. alles Hagenen sint.
ez wrden mine gisel. zwei wätlichiv kint.
er vnt von Spene Walther. die wohsen hie zeman.
Hagenen sande ich widere. Walther mit Hiltegunde entran.

Er gedahte langer märe. div warn e' geschehn.
sinen frivnt von Tronege. den het er recht erschn.
der im in siner ivgende. vil starchen dieneft bot.
sit fromter im in alter. vil manigen frivnt tot.

